

ANUGERAH EDUSAVE BAGI SEKOLAH RENDAH

Ibu Baba/Waris sekalian,

Pemerintah memberikan Anugerah Edusave setiap tahun kepada murid-murid warganegara Singapura untuk membantu menyamaratakan peluang-peluang pendidikan dan memberikan motivasi kepada murid-murid supaya mencapai kecemerlangan di sekolah. Murid-murid warganegara Singapura ini perlu mencapai kelakonan yang baik atau menunjukkan kemajuan yang baik dalam kerja-kerja sekolah mereka, dan berkelakuan baik. Anugerah Edusave bagi Pencapaian, Kepimpinan dan Khidmat Baik (EAGLES) bertujuan untuk menghargai mutu kepimpinan, khidmat kepada masyarakat dan sekolah dan kecemerlangan dalam kegiatan-kegiatan bukan-akademik. Risalah ini memberikan maklumat mengenai Anugerah-Anugerah Edusave yang berlainan:

- Biasiswa Edusave
- Dermasiswa Merit Edusave
- Anugerah Kemajuan Baik
- EAGLES

Kelayakan dan Pemberitahuan Tentang Anugerah

	Biasiswa Edusave	Dermasiswa Merit Edusave	Anugerah Kemajuan Baik	EAGLES
Untuk Siapa?	Murid-murid Darjah 5 dan 6 dalam golongan 10% terbaik bagi setiap peringkat dan berkelakuan baik.	Murid-murid Darjah 1 hingga 6 dalam golongan 25% terbaik bagi setiap peringkat, berkelakuan baik dan pendapatan keluarga kurang daripada \$4,000 sebulan.	Murid-murid Darjah 2 hingga 6 dalam golongan 10% terbaik berdasarkan kemajuan dalam kedudukan peringkat bagi setiap peringkat dan berkelakuan baik.	Murid-murid darjah 4 hingga 6 yang menunjukkan mutu kepimpinan pelajar, memberikan khidmat baik kepada masyarakat dan sekolah, dan cemerlang dalam kegiatan bukan-akademik. Murid-murid juga mesti lulus dalam peperiksaan sekolah dan berkelakuan baik.
Berapa Jumlahnya?	5% terbaik - \$400 5% berikut - \$350	Darjah 1 hingga 3 - \$200 Darjah 4 hingga 6 - \$250	Darjah 2 hingga 3 - \$100 Darjah 4 hingga 6 - \$150	Darjah 4 hingga 6 - \$150
Bagaimana Anugerah Diberikan?	Murid-murid yang layak menerima anugerah ini akan diberitahu melalui pos pada lewat bulan November.	<ul style="list-style-type: none"> • Murid-murid yang dicalonkan bagi dermasiswa ini akan menerima borang permohonan melalui pos pada lewat bulan November. • Jika pendapatan keluarga anda kurang daripada \$4,000, anda bolehlah mengisikan borang permohonan dan kembalikan borang itu kepada balai rakyat/kelab masyarakat yang terdekat dengan rumah anda pada awal bulan Disember. • Para pemohon yang berjaya akan diberitahu melalui pos pada bulan Disember. 	Murid-murid yang layak menerima anugerah ini akan diberitahu melalui pos pada pertengahan bulan Disember.	Murid-murid yang layak akan dipilih oleh pihak sekolah. Para penerima akan diberitahu melalui pos pada pertengahan bulan Disember.

Semoga anak anda mencapai kejayaan dalam pelajarannya dan dalam kegiatan-kegiatan bukan-akademik yang diceburinya.